



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 75. Plurimæ urbes a Gallis direptæ ac incendiis devastatæ.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII  
A.C. 1689. derit Leopoldo Imperatori, qui raro  
moderationis, pietatisque exemplo  
præfidiarios Turcas, incolasque secun-  
do Danubio ad suos deduci iussit, ve-  
tuitque, ne ulli injuria vel molestia in-  
ferretur. Crebras hæc clades novus  
Sultanus jam diu prospexisse videtur,  
quocirca die undecima Februarii Le-  
gatos suos Viennam decrevit, qui non  
modo Sultani exaltationem ad so-  
lium Bisantinum referrent, sed etiam  
pacem æquis conditionibus exorarent:  
postquam vero Imperium a Gallicis ar-  
mis infestari & Venetos a Napolis ob-  
sidione inglorie fuisse depulsos com-  
pererant, paulatim a propositis condi-  
tionibus resilierunt, quapropter vix  
non omnis futuræ pacis spes evanuit.

## §. LXXV.

*Plurimæ urbes a Gallis direptæ, ac  
incendiis devastatæ.*

Gottfrid.  
cont. Hist.  
Chron. l. II.  
pag. 385.  
397.

Quamprimum Galliarum Rex Imperii  
exercitum Ductoribus Lotharingo,  
& Eugenio Sabaudix Ducibus ad in-  
feriorem Rhenum movere, necnon Ba-  
varix & Brandeburgi Electores cum  
suis copiis versus Clivix Ducatum &  
superiorem Rhenum properare comper-  
erat, extincto æquitatis, moderatio-  
nisque Christianæ lumine feralem fa-  
cem

cem accendere statuit: Prius tamen Sæc. XVII.  
 inter foederatos Principes dissidia semi- A. C. 1689.  
 nare intentus, Augustanum foedus  
 nonnisi ad eliminandam fidem Catho-  
 licam spectare, divulgabat, cum vero  
 huic criminationi speratum successum  
 haud respondere cerneret, atque in-  
 cassum quosdam Principes ad suas par-  
 tes pellicere niteretur, bello Hispanis  
 denunciato armorum societatem cum  
 Sultano innovavit, multosque Archi-  
 tectos militares, Tribunosque ad Tur-  
 carum exercitum submisit, pacemque  
 cum Algerianis sancivit. Postea Re-  
 gis jussu Catinatus & Bouflerus Fran-  
 ciæ Marescalli in Palatinatum, Fran-  
 coniam, Sueviam, necnon Wirten-  
 bergensem & Badensem Ducatus ir-  
 runt, omnesque ferme urbes, quas  
 Rex anno priori occupaverat, incen-  
 diis & rapinis inhumana crudelitate  
 devastant, etsi incolæ paulo ante  
 multo auro direptionem, incendium-  
 que redemissent, Die etiam decima  
 octava Januarii Comes de Melac Hei-  
 delbergensis Gubernator suas copias in  
 plura agmina divisit, ac Rorbachium,  
 Laimanum, Nuslochium, Kircheimium,  
 Bingam, Wislochium, Bruchusium,  
 Epenheimium, Neckerhusium plures-  
 que alias urbes continenti incendio  
 delevit, & Ladenburgum, & Schries-  
 hei-

Sæc. XVII. heimium immani deprædatione vastata  
 A. C. 1689. vit: Idem ac longe sævum magis factum die trigesima prima ejusdem Mensis subiere Neuenheimium, & Hendschuchsheimium urbes, ubi non modo avaritia, sed & crudelitas in direptas urbes grassata est; nam utriusque sexus incolæ vestibis suis nudati, Virgines stupratæ, Matronæ & prægnantes omnibus contumeliis affectæ, & nec pueris ac puellis omnino inermibus servata est vita aut honor, sed quidquid petulantiaë aut crudelitatis feroci militi inspirare poterat indomita rabies ac sollicitia, impune tentatum, & Oppenheimium & Offenburgum dirutis mœnibus abductisque bellicis munitionibus flammis traditum: Attamen magis inhumano furore Heidelbergæ, Electoris Palatini Metropolis fuit devastata; incassum Virgines Deo sacratæ mortuis similiores quam vivis, genibus flexis, manibus ad cælum levatis inter lacrimas & singultus aut a libidinoso milite tutamen, aut alibi asylum quærendi copiam implorant; evertitur funditus Principis regia, pons & arx, incenduntur Monasteria, abstrahitur Archivium, Bibliotheca, totumque expilatur armamentarium, & quamvis Franciæ Delphinus urbis immunitatem solemnî juramento spondisset,

tota

tota tamen militum direptioni, flam- Sæc. XVII.  
 misque die secunda Martii tradita est. A. C. 1689.  
 Haud mitius agebant Galli Spiræ,  
 Manheimii, & præcipue WORMATIÆ,  
 ubi non modo civitatem devastarunt,  
 incolas exactioibus exhaustos, om-  
 nibusque bonis spoliatos inde expule-  
 runt, sed insuper incensa urbe Epi-  
 scopum atque imperii Principem octo-  
 genario majorem, eoquod gregem  
 suum deserere, & residuos Ecclesiæ  
 suæ proventus Tribunis tradere nollet,  
 inter duriorum tormentorum minas &  
 ludibria captum ad Dirmensteinianam  
 arcem abstraxere, nec etiam veneran-  
 dis Imperatorum cineribus parcentes,  
 apertis sepulcris, quicquid edax rerum  
 tempus nondum absumperat, diripue-  
 runt; nec eos quoque absterruit Reli-  
 gionis sanctitas, quo minus in destru-  
 ctis Sacellis obvias Christi Crucifixi  
 aliorumque Sanctorum imagines ad  
 alendos ignes adhiberent, totque inter  
 Christianos nunquam auditæ crudeli-  
 tatis vestigia ibidem, ac in toto Palati-  
 natu & Spirensi Episcopatu relinque-  
 rent, ut nec animus adeo constans,  
 lingua adeo fæcunda, nec calamus  
 tam promptus reperiri queat, quo tam  
 horrenda desolatio describi posset: Has  
 tamen sævitias Scriptores Galli ex-  
 cusabant Barbarorum exemplis, hostis-  
 que

Sæc. XVII. que debilitandi necessitate, si vero hæc  
 A. C. 1689. mala omne bellum fatali necessitate  
 semper sequerentur, eaque duntaxat  
 hac ratione excusari valerent, raro ad-  
 modum Christiano Principi contra Chri-  
 stianos victoriæ gloriam, quam non-  
 nisi per ejusmodi inhumanas feritates  
 invenire posset, quærerere liceret.

## §. LXXVI.

*Moguntia & Bonna Gallis a Lo-  
 tharingio Duce ereptæ.*

*Hode Hist.  
 Lud. XIV.  
 lib. 46.  
 Piet. An-  
 nal. contin.*

Sub idem ferme tempus Franciæ Rex  
 Hispanis bellum denuntiabat, hu-  
 jus hostilitatis causas edito diplomate  
 declarans, quas tamen fœderati Belgii  
 Gubernator non modo omni etiam ob-  
 tentu, ac ratione destitutas, sed &  
 Regiæ Majestatis pietati injurias esse,  
 opposito scripto ostendit: quapropter  
 etiam Guilielmus III. Auriacus Prin-  
 cept Gallorum violentiis irritatus, Lu-  
 dovico Franciæ Regi bellum indixit:  
 Inde animosior factus Lotharingiæ Dux  
 cum sexaginta millium exercitu haud  
 procul Mosellano fluvio castra metatur,  
 Moguntinam urbem oppugnaturus.  
 Dies erat vigesima secunda Julii, qua  
 ad Rheni littus superum Bavarus &  
 Saxo arcem simul & D. Albani & Ca-  
 tharinæ propugnacula aggredi cæpe-  
 rant,